

JAMHURI YA MUUNGANO WA TANZANIA WIZARA YA ELIMU, SAYANSI NA TEKNOLOJIA

Chuo Cha Ualimu Kabanga,
S. L. P. 265,
KASULU.



SIMU 0763005210
E-Mail kabangate@gmail.com
kabangate@moe.go.tz

Kumb. Na. KBCCU/GFO/186/XI/ 254

Bw/Bi _____

YAH: MAELEKEZO YA KUJIUNGA NA MAFUNZO YA UALIMU STASHAHADA YA ELIMUMSINGI NA ELIMU AWALI MWAKA 2020/2021

UTANGULIZI:

1. Ninayo furaha kukujulisha kuwa umechaguliwa kujiunga na Mafunzo ya Ualimu Daraja 'A' kwa mwaka 2020/2021. Hongera sana!
Mafunzo haya yatachukua muda wa miaka miwili, kuanzia 2020/2021 hadi 2021/2022. Chuo kitafunguliwa tarehe 01/10/2020, Unatakiwa kuripoti Chuoni tarehe 01/10/2020. Nakutahadharisha kuwa ukiripoti Chuoni baada ya Tarehe 15/10/2020 **hutapokelewa**. Nafasi yako itajazwa na waombaji wa akiba.
2. **Mahali Chuo kilipo:**
Chuo Cha Ualimu Kabanga kipo Mkoa wa Kigoma Wilaya ya Kasulu.
Chuo kipo km. 92 Kaskazini Mashariki ya Manispaa ya Kigoma Ujiji, na km.9 upande wa Kaskazini mwa mji wa Kasulu.
Kuna usafiri wa mabasi makubwa na madogo toka Manispaa ya Kigoma Ujiji kwenda Kasulu na usafiri wa mabasi madogo (Daladala) toka Kasulu mjini kuja Kabanga. Ukifika Kasulu Mjini, uliza kituo cha daladala mnarani ndipo kuna gari za kuja Kabanga.

Tanbihi: Kwa wale watakaopitia Kahama, panda magari yanayokuja Kigoma - Kasulu.
Usipande magari yanayokwenda Ngara, kuna Kabanga nyingine Wilaya ya Ngara-Kagera.

- **Dira ya chuo:** Kupata mwalimu bora na mahiri mwenye uwezo wa kushindana katika soko la ajira
- **Kauli mbiu:** Elimu bora

3. MAHITAJI KWA AJILI YA USAJILI

- i. Cheti halisi cha kuzaliwa na kivuli chake (photocopy)
- ii. Cheti halisi chenye picha iliyogongwa Muhuri wa shule cha kumaliza kidato cha nne (Secondary School Leaving Certificate) na kivuli chake (photocopy)
- iii. Original Result Slip kwa wale waliohitimu shule mwaka 2019 au Cheti halisi cha taaluma cha kidato cha nne kilichotolewa na Baraza la Mitihani na kivuli chake (photocopy-2). **Usije na matokeo yaliyotolewa kivuli toka kwenye kitabu cha matokeo ya mtihani.**
- iv. Kitambulisho cha kupigia kura/Bima ya afya.

❖ **Tanbihi:** Kama umefanya mtihani zaidi ya mara moja, uje na vyeti vyote. au kama umefanya mtihani wa Kidato cha sita hukufaulu vizuri, uje na cheti hicho.

- v. Uje na barua hii ya maelekezo ya kujiunga (Joining Instructions) wakati wa kuripoti Chuoni.
vi. Utakuwa unajitegemea kwa usafiri wa kuja Chuoni na wakati wa likizo.

4. ADA NA MICHANGO:

Unatakiwa kulipa michango ifuatayo:-

ADA:

Ada ya mafunzo ni shs. **450,000/=** kwa mwaka. Hivyo kwa muhula wa kwanza unatakiwa kulipa Shs. **225,000/=**) ili usajiliwe na nusu nyingine muhula wa pili ada utalipa kwa utaratibu wa wa kupewa namba ya utambulisho (**controlnumber**) na Mhasibu wa Chuo baada ya kufika Chuoni ili kuweza kulipa ada.

MICHANGO MINGINE:

| S/N | Aina ya mchango | Kiasi | Maelezo |
|--------------|-------------------------|------------------|------------------------|
| 1 | Serikali ya wanachuo | 5,000/ | Kwa mwaka |
| 2 | Huduma ya kwanza | 10,000/= | Kwa mwaka |
| 3 | Usafi wa mazingira | 20,000/= | Kwa mwaka |
| 4 | Kukodi godoro | 10,000/= | Kwa mwaka |
| 5 | Usajili na kitambulisho | 20,000/= | Kwa mwaka wa kwanza tu |
| 6 | Michezo | 30,000/= | Kwa mwaka |
| 7 | Ulinzi | 30,000/= | Kwa mwaka |
| 8 | Ukarabati | 25,000/= | Kwa mwaka |
| JUMLA | | 150,000/= | |

Michango hii ilipwe kupitia Akaunti maalumu ya Chuo. Akaunti hii ipo NMB KASULU.

Jina la Akaunti: KABANGA TEACHERS' COLLEGE - MAENDELEO ACCOUNT. A/N. 5143500086.

Michango yote ilipwe muhula wa kwanza (kabla ya usajili)

- ANGALIZO:**1. Hakikisha unamweleza mpokea fedha wa benki (Bank Teller) kuwa fedha uliyoweka ni ya Michango na aandike Jina la Mwanachuo anayelipiwa kwenye "Bank-pay-in-Slip" sehemu ya Saini ya mwenye Akiba.
2. Ili kuepuka Usumbufu, kila fedha ilipwe kupitia Akaunti husika. Yaani ada kwa "control number" na michango kwenye maaendeleo akaunti. Banki-pay in-Slip izalishwe kivuli (photocopy) na nakala halisi ziwasilishwe Ofisi ya Msajili wa wanachuo mara ufikapo Chuoni.

5. VIFAA MUHIMU:

Uje na vifaa vifuatavyo:-

- ❖ Shuka 2 za rangi ya Pinki (zisiwe na maua)
- ❖ Blanketi 1
- ❖ Mto na Foronya ya Pinki
- ❖ Chandarua ni lazima kuna mbu wengi wakati wote

- ❖ Ndoo na beseni kwa ajili ya kuhifadhia maji na kufanyia usafi
- ❖ Vyombo vya kulia chakula sahani, bakuli, kikombe na kijiko.
- ❖ Gumboots wakati wa mvua kuna tope jingi
- ❖ Vifaa vya michezo Bukta/Sketi na track-suit rangi ya light blue, jozi ya raba na soksi ndefu rangi ya bluu.

6. SARE YA CHUO:

Unapaswa kushona mwenyewe

WAVULANA:

- i) Mashati mawili ya Blue bahari mikono mirefu.
- ii) Suruali mbili rangi nyeusi, (Mshono, angalia mchoro ulioambatishwa.)
- iii) Tai ndefu rangi nyeusi ifike unapovalia mkanda wa suruali.
- iv) Viatu vyeusi vya ngozi vya kufunga kamba
- v) Mkanda mweusi wa kuvalia suruali.
- vi) Soksi nyeusi ndefu
- vii) T-shirt yenye nembo ya Chuo inapatikana Chuoni kwa Tsh. 15,000/=

WASICHANA:

- i) Mashati Mawili ya Blue bahari mikono mirefu.
- ii) Sketi mbili za rangi nyeusi za marinda box (**Kitambaa Kizito**) na ziwe hazibani. (Mshono angalia mchoro ulioambatishwa), kwa waislamu ziwe ndefu
- iii) Tai fupi ya rangi nyeusi itakayoishia chini ya kitovu.
- iv) Viatu vyeusi vya ngozi kisigino kifupi vya kufunga kamba
- v) Soksi nyeupe ndefu. (Stockings)
- vi) Wanachuo Waislamu wataruhusiwa kuvaa juba inayofanana na rangi ya shati.
- vii) T-shirt yenye nembo ya Chuo inapatikana Chuoni kwa Tsh. 15,000/=

Tanbihi * Uje na nguo za heshima

* Usije na Masanduku/mabegi makubwa, hatuna nafasi ya kuyaweka.
Ukija nalo itabidi ulirudishe nyumbani.

* Simu za mkononi **haziruhusiwi** kutumika katika vyumba vya madarasa, mtihani, kujisomea jioni (Prep). katika mkutano wa Chuo, wakati wa kazi za mikono, michezo na katika shughuli zote rasmi za Chuo.

MCHORO WA SARE ZA CHUO



7. TAALUMA:

Uje na vifaa vifuatavyo kwa ajili ya matumizi binfsi

- i) Daftari (counterbooks) za kutosha, zipatazo 14.
- ii) Kalamu za wino za kutosha muhula mzima.
- iii) Rula, mathematical set moja.
- iv) Vitabu viwili (02) kulingana na Mchepuo unaosoma na **visiwe mali ya Serikali**

8. MITIHANI:

Chuo hutoa mitihani, unatakiwa ufaulu mitihani yote itakayotolewa na Chuo.

9. AFYA:

Chuo hakitagharamia matibabu ya mwanachuo (zaidi ya huduma ya kwanza) wakati wa mafunzo yake. Hivyo unashauriwa uje na kadi ya Bima ya afya.

Kuna hospitali kuu mbili, moja ya Serikali ipo km.7 na nyingine ya shirika la Dini. Hii ya pili ipo meta chache toka chuoni na inapokea wagonjwa wenye kadi za Bima ya afya.

Kabla ya kuripoti Chuoni hakikisha unapimwa afya yako na Mganga Mkuu **wa Hospitali ya Serikali kuthibitisha kama afya yako inakuruhusu** kuchukua Mafunzo ya Ualimu. Wajawazito hawatapokelewa. Aidha Chuo hakina huduma ya chakula maalum (special-Diet) kwa wanachuo wenye matatizo ya chakula.

10. KANUNI ZA CHUO:

- Mwalimu ni mfano mzuri wa kuigwa na jamii, chuo kinakutarajia kuwa na sifa za mwalimu utakapoingia chuoni na kumaliza mafunzo yako.
- Utapewa mafunzo kabilishi (Orientation) juu ya sheria na taratibu zote za chuo mara ufikapo chuoni. Aidha utapewa fomu ya kujaza kukubaliana na sheria na taratibu hizo.


Tanbihi: kwa mawasiliano zaidi wasiliana na wafuatao

1. George Msengi – Msajili – 0767135287
2. Chiku Ndama – Msajili Msaidizi - 0766800005
3. Philbert Katabazi – Mtaaluma - 0753589187

11. MWISHO

- Nakutakia maandalizi mema, zingatia sana maelekezo yaliyotolewa.

Nakutakia kila la kheri na **KARIBU SANA CHUONI KABANGA.**


.....
Edward A. Wawa
MKUU WA CHUO

**MKUU WA CHUO
CHUO CHA UALIMU KABANGA
S. L. P. 265
KASULU**

Nakala: Mkurugenzi,
Elimu ya Ualimu,
Wizara ya Elimu Sayansi na Teknolojia,
S. L. P. 10,
DODOMA.